

後圃黃先生存集

後園黃先生存集卷之三

門生戴朏校梓

古林山房重刻

五言絕句

劒潭浸月

題山口八詠

秋生廣寒殿影落馮夷宮誰能沒清蕩寶劍蟠蛟龍
犀玉生烟

年山峙寒玉日暖生氤氲朝來拂笏處萬仞烟光新

清溪柳色

清溪已如畫柳復含輕烟波光涵翠縷一色爭春妍

黃浦荷香

金仙趺足地，蒲眼蓮花香。
人間自熱惱，佛國逾清涼。
燕谷樵歌

山頭見落日，谷口歸群樵。
雲沾葉影重，風度歌聲遙。
龍華鍾韻

叢刊出官道，華鍾吼夕曛。
溪風吹不斷，隱隱隔林聞。
方塘活水

方塘湛銅鏡，活水來源頭。
共憐漚不溢，汨汨何時休。

高嶂聞雲

閒雲在高嶂，濃淡萬變奇。
玉人捲簾與客同支頤。

七言絕句

題春山遊驢圖

老夫無復少年狂，
髀肉齊生兩鬢蒼。
猶記青山遊驢陌，
野花吹逐馬蹄香。

題和靖觀梅圖

一童蹲火煮春茶，
風雪孤山處士家。
自有人寒西賊膽，
兵塵不到梅花。

一鶴軒然不受籠，
昂藏仙骨伴高風。
公餘尋得觀梅意，
案牘塵勞一洗空。

以詩達金彥中千戶覓心逸亭中未炕床三絕

廢却山中活水池小床棄置亦多時何如軟贈詩家
卧雪眠雲恣得宜

六尺來長夢蝶床雅宜鋪我竹邊房暖風吹斷
花雨便載瑞溪一葦航

床小貽來自玉人草堂得此頓生春艾氍毹枕
新州簟醉卧那知月滿身

贈月堂上人

長風萬里掃烟霞吹散蟾宮老桂花高士此時方入定
一堂清影浸袈裟

題居仁巖雲居亭

爲憐浮世等空花小築雲居當住家竹几蒲團禪定處
老龍噓氣濕袈裟

山後山前總是雲崖蒸樹骨白紛紛老僧清供長如此
笑不堪持贈君

雲本無心伴此僧僧居偶入亂雲層客來未解名亭意
蒲紙題詩勝葛藤

送金如山往婺州

如山金兄墓塋戊子歲之風去年謀之江西某嘗作
詩以贈之既而止或尼之今年聞浙東金華商旅大
通便刻日買舟以往又爲作竹枝歌三章餞其行風

止波平酒酣耳熱或可扣舷以荅舟人之款乃也

送別林塘快放舟澄江渺渺消人愁蘋花滿棹應相笑
也趁春風過婺州

桃花雨晴春水生東風去船如箭行鯉魚活煮蘭溪酒
篷底醉眠江月明

春城鼓角舊金華莫忘長干桃李花千金重載布帆穩
後月月圓人到家

送戴子文運房宅到瓜洲

斧斤雷闢榛填溪梁棟成時水拍堤老子東征了官事
笑人癡坐竹窓低

大筏安如萬斛舟
水風徐動棹夫謳
買魚沽酒江花底
快到瓜洲古渡頭

風流重得過錢塘
湖面新荷水亦香
應買鬆餅成一醉
醉來還似少年狂
愁緒紛紛吹柳花
離筵少駐牽溪沙
也知不作多時別
秋月才圓可到家

三月五日壽金時和

風泛紫蘭花雨鳴
又拈春酒祝長生
他年迭奏填荒處
盡出商顏發聖明

子可嘗門身燕居
晚年優逸定何如
東軒花木春無盡

西塾圖書樂有餘

送姪德輔之杭州

春光湛湛下錢塘
梅落晴沙柳半黃
目送乘桴順東去
中流安穩勝龍驤

十里荷花九里松
茲遊未遂獎如蓬
子行喜得陶朱術
莫恨西湖歌舞空

薇垣依舊鎮鬼我
山色湖光破碎多
想得縱觀增感慨
歸來細與說如何

吾郡存菴詩可傳
武林行卷百餘篇
子今已有驚人句
定解吟哦繼昔賢

凝叔烏巾尚懶裁不堪短髮白
搥髭煩於湖市叢玕處
爲買竹皮冠子來

瑞溪釣隱

一溪春漲碧於苔溪上桃花無
數開蒲棹清風何處泊
東流直訪子陵臺

龍吐潭雲翳日光釣絲微動柳
枝涼掀篷指點潘村路
笑殺行人汗似漿

蘋末青颺乍起時收緡艤棹向
灣碕颼風天外滄溟力
醉卧溪頭了不知

眼眩波光閃雪光短蓑濕惹渚
梅香祇思新酒宜鮮贍

蓋日持竿凍欲僵

賀戴昂霄誕曾孫

剡溪衮衮慶源長
梧竹含春遶畫堂
晴日暖軒生意足
層枝新長橘林香

臨風摩弄白髭鬚
笑指鵷雛綵翼奇
剡曲明年春二月
花前好伴太翁嬉

復子度弟書後韻

僻性生平尚直柔
慣居客館雪盈頭
從渠任妄多顛倒
老子胸中沒點愁

舊友興歌伐木詩
湖山還似昔年時
諸生挾策趨前闕

日晏先生起尚遲

凝兒當戶攢支吾勉下書幃對酒鑑秋晚弟兄歸故里
杖頭日費百錢沽

寄賀歸雲居士生後四首

此翁習大勝春溫每愧同庚若弟兄百事從來慙莫及
茲今仍如先生係

詞砌春深長紫芽重開願此樂無涯錦綉綉明霜
抱看湖濱蒲樹花

綠陰遮屋瑞光浮浴罷龍孫倒玉舟我未去爲湯餅客
犀錢還肯寄來不

莫笑先生兩鬢疎行年六十看何如天教筋力常清健
猶聽韓侂夜讀書

題汪頌章白頭公卷

霜枝半稿羽毛嬌並帶秋光立寂寥縱得春風紅樹暖
白頭如雪可能消

詩餘

御街行 六月十二日壽金伯符

少年不競南科貴安肯遂蠅頭利一經教子是家傳但
曉詩書滋味李之盤谷陶之采里無限田園趣○香風
細細吹荷葉稱壽酒歡聲沸堂前樓臺正聯芳盡出商

顏風致莊椿不老孫枝漸長萬事都如意

最高樓

書程梅所

薰風細涼意滿絃書宿正移躋昔年鵬奮雲衢上如
今豹隱雪窓前與麻姑看海水變桑田○已莫說黃曾
遷莞庫也莫說富曾堆栗布無世累是神仙佳章談笑
嘲風月草書遊戲掃雲烟倚東床閑傲兀八千年

蟾宮曲

高麗書

飽風霜松柏蒼蒼枇杷晚翠梅萼時香文筆鍾奇清漪
毓秀弧矢呈祥○喜今朝笑蒲華堂慶生辰酒泛瓊觴
福比滄浪壽並南嶺蟄蟄繩繩丹桂遲芳

和子中弟寄賀樂府

鵲噪簷前鴈過樓外傳來一曲陽春臨風把玩為俺頌
生辰調協五音六律翔鸞鳳筆陣如神真堪羨人間罕
有冀北更空群○自憐遇魯質生涯冷澹怎列田真三
旬加五歲猶混風塵爭奈離多會少荆花畔莫接慇懃
相思處長天空濶極目望停雲

卧雲居士畫像贊

貌端氣醇願豐鬚勻其少年壯志汲汲乎青雲之路及
其暮也安乎寂寞之濱境添桑不變此已盡於麒麟視
其目光炯然猶當數十年未化為海陽前代之遺民

陳達道畫像贊

曰雲道人秋水爲神素衣黃冠超然出塵如果克符于是真則盡翳鳳凰而騎麒麟以相與觀乎瑤圃之春

自贊

黃某不幸有罷癯之病左足痛甚蹇不能行人笑而目之曰左蹇翁因自作贊贊曰

尔心甚寬尔神甚完病尔足以蹢躅寸步有千里之難無妻而鰥有子而頑後圃三間種菊藝蘭飯孟蔬盤布袍釋冠從髮禿而齒殘人皆笑官鞭笞鳳鸞尔獨逗關如將飛而翥翰既自此爲蟠中之木胡不自安胡不憚

煩窮經考史弄墨研冊維師維友昔風林與東山尔尚
十年而不死死而相見有尊足在庶無厚顏念彼沅黔
迅若奔湍天刑莫逃喟然長歎

後園黃先生存集卷之三

後圃黃先生存集卷之四

門生戴此校梓

古林山房重刻

序

梅陰詩卷序

強圉協洽余月初吉予方時吟于金氏之止所其兄自
外歸謂予言吾姻家戴君伯拱燕居前榮有古梅一株
條暢碩茂蔽芾其陰井曦不侵而日光復寒氛埃不到
而苔花盡寂戴君日坐其側與而樂之因以自號鄉人
稱之爲梅陰先生亦由五柳之陶七松之鄭也夫梅之

見於詩書周禮禮記大戴記左氏傳管子淮南子山海
經爾雅本草取其實而已未以其花爲貴也以花爲貴
則自戰國時始由漢魏晉唐迨宋以來詩而詠其花者
不可勝言吾州先儒方虛谷編瀛奎律髓詩以梅花專
一類小序考之詳矣而未有貴其葉之陰者始自戴君
而貴其葉之陰而後乃將賦梅陰者日益多予其首歌
以貺之彼將如季武子之敢不封植此樹以無忘用予
之詩也予嘉戴君愛物之清度越流俗而梅之潔且類
其爲人乃強顏而歌曰萬木兮離披新榮兮南枝凌冰
霜而轉和氣始見其梅花之奇彼一時也又歌曰梅葉

陰陰青子兮含仁升廊廟而調鼎鶴斯得乎先生之
心此一時也歌已群公屬而和之凡幾篇爲一卷金氏
元俾予題其端以爲詩序云

送石典史序

典史邑之幕賓也其職在公勤輔佐官長以撫綏百里
之民於六曹吏牘無所不當問政有一不善事有一不
集則得罪而禍先及之其責任之重難有如此桂林石
公文舉之來休寧也常用武之世一邑之錢糧軍需董
督營辦悉歸之於公而公老成練達坦蕩樂易不倚法
以立威而民趨事赴功惟恐後三年之內雖事煩令急

未嘗少累於公於是上下之人咸服公之廉且能也復
彼食殘舞手並緣爲姦而卒不得免焉者何可同日而
語哉公今書滿朝京師郡之百夫長程某查某與府
吏康某共載酒餞別于歙城之東門外厲愚序以識之
唯先聖爲委吏料量平爲司檝吏蓄蕃息及其相魯
定公會齊侯于夾谷齊人歸魯侵地使仲由爲季氏宰
兩三部攝行相事誅少正卯載在方冊炳若日星公今
由此而佐名藩仕大郡責任愈重事業愈彰其亦取法
於先聖之道乎此吾徒期慕之私也故書此以爲贈

谿山真趣軒詩序

谿山真趣軒者呂公大氏歲修之所也其詩則當代鴻儒瑰士相與詠歌斯軒者也公大爲吾故人安貞翁之子安貞當承平時居松蘿市間治尚書經習舉子業有文章善議論蓋有意行道於當世者而海田善幻遂賣志以歿今公大既襲其家學又能遺外聲利而安乎寬閑之野寂寞之濱故於谿山得其真趣蓋因居之於翠孟嘉之於酒也孔子云知者樂水仁者樂山夫水與山不能自有其趣必賴仁知之人樂而後得其趣然不能忘情於軒冕者亦不可以語此也東山之謝安北山之周顒水南之溫造水北之石洪若此者皆使林壑幽

澗媿不歇必也巢許之流箕山潁水而後可練溪之南
蘿山之下豁光山色映帶一軒斯公大之考盤而詩人
之所由詠歌也嗟乎一有宇宙即有此山其間得其真
趣者幾何人賢矣哉公大也是爲序

書長干許氏族譜序

休寧縣南五十里曰長干山水奇秀蟠結許氏世居焉
許氏之先自縣西之東閣遷于茲迄今蕃衍蔓延比廬
族處雞犬之聲相聞宛然有桃源之風而不知世事之
更變也一日許顯宗字璟山者以予之四世祖五世祖
俱娶許氏故持其家藏許氏族譜來請曰願子與吾爲

訓戒之辭以昭示後人使之嗣志而修之以無紊寧
卑之序得盡其尊敬之心親愛之義不致於相視如途
人焉予觀許自周時受姓歷漢唐至宋朝其間世次功
名富貴之盛已詳悉具見于荆國王丞相及諸先輩之
文無庸贅述然予於長子許氏尤賞歎敬慕而不能忘
焉者蓋自世變搶攘故家中第往往銷鑠至一跌而赤
其族者不少也而許氏乃獨安其田里守其先廬規模
氣象無異昔者其故何哉豈長子山水之勝其鍾於人
者自有不同與抑其先屢世積善天之報之其在子孫
與然培其根則枝愈茂潄其源則流愈長爲許氏之子

若孫者益積善而不替則熾而昌壽而康必與是鄉山水之勝相爲無窮也此環山之大願也此某之所以爲書之而不辭其請也

瀛峰樵子序

予昔客于邑西之瑄溪金氏溪之上有山巍然而高大曰瀛峰穹林絕磴巖翠浮光瑰譎輝映朝夕異狀余甚愛之每疲節短最窮探幽勝竟日而忘歸是所謂蛻蟬扶輿磅礴而鬱積者宜金氏居其下鍾其毓秀世有聞人金生璫字彥毅嘗從予游今尤嗜文學拱而言曰瑄山昔學未就遊時多艱且二親俱老無他兄弟脩養是

以托迹樵牧庶采拾盤旋茲山以不遠遠定省故自號
曰瀛峰樵子令升唐侯國其景以見稟之所志者願先
生賜之一言子曰嘻若子者既老且衰黼黻之章支離
疏散之流無所用於斯世彼此名也以終幾年消之可
也子爲士族齒髮方茂明敏之才潛與之歸嚮然而起
必多脫羊裘而朝佩珠玉也何故不爲謀仕以榮養其
親親乃輒棄箕裘自瘦體力爲小人之鄙事乎試未可
也生乃莞爾而笑曰先生休矣請聽予子之樵歌乃歌
曰椅桐梓杞枝葉婆娑例遭斬所與剗剗日落西岡薪已
多負薪換酒歸山阿升堂拜舞忘煩惱能善操我斧披我

葉世有危機柰我何歌已窅然入于林中惟清嘯隱隱
有鸞鳳之音不得與之言矣

代隆隱朱學士贈金德基歸新安序

洪武元年春余方待罪翰林故人金侯子西之子履寔
來京師舍館未定即謁余而言曰履也從珊竹氏女兄
避地吳越間十有二年流離顛沛艱阻備嘗所不盡者
命耳今得侍先生書冊琴瑟之傍如旣溺而登岸如中
酒而解醒如觀青天白日而無迅雷風烈之驚也願留
而爲役於門下先生其有以教之乎畢而泣余亦泣曰
子之尊若孔北海陳元龍輩其能過之結交豪俊殆滿

東南其老宿客如余者親未嘗後之也孫叔敖抵堂
談笑顧子齒髮方茂如玉樹皎然豈大童者乎雖然余
知子之不可久客于外而亟當返乎屬乎之肆者有二
子之母歿而未葬婦聘而未娶然生者養死者祇女有
家男有室庶幾乎先聖王之教也子其行乎視余之日
薄西山尚縻於茲而不能輒自引去者何能爲懷於是
攬涕而謝曰敢不拜受先生之教戒遂刻日治任言歸
於其別也因書以贈之里人朱升序

送馬則賢序

禮記曰醫不三世不服其藥言謹疾也死生攸繫其可

忽諸今世俗之醫者無家學無師承或僅剽竊於肩方
其目矜眩利人有疾幸而成功則藉以饔飧不幸則視
其死如蚍蜉蟻子然可憐已若此者豈爲岐黃扁鵲利
世之心哉惟星源則賢馬君則不然家世以儒明醫傳
世則賢機活神悟所至疾豎即逃如養由基之號猿庖
丁之解牛也起死之功夥矣爲人溫雅敏捷尤好施貧
患防鄰城有施禁者彼善鋟而墮於財今年秋得奇疾
左策不能下咽者七日矣市醫無肯哀之者告急於予
予卽爲造則賢具道其事語未畢蹶然起赴其難畧無
金容視貌切脈一見輒了授一匕劑曰翌日所患必

然半至期又藥之越三日脫然無所苦畢室出拜謝則
賢遜避曰彼不至於死吾豈能生之收爾而退未嘗商
財賄之有無也嗚呼則賢有如是之才操如是之行其
活人陰德庸有既乎予嘉其得岐扁利世之心獨異於
世俗之醫者故樂為序以稱道之

記

稼隱軒記

戴珖比玉吾鄉之賢士也篤志務學不為祿仕從予讀
書于隆阜山中告余曰吾觀眉山蘇長公送張同年稼
說謂博學而約取厚積而薄發深有感於斯言有屋四

極爲藏修之所得參政端公之子鳳臺生孝思爲書古
篆傢隱二字揭之楣間思不我知者以吾志於小人之
事學於老農如樊須取譏於夫子者幸先生記之予謂
子之平居所以自養而不敢輕用以待其成者可謂至
矣雖然是穠是養必有豐年子之稼穡富人之美稼
矣寧積而不發耶成文武之才就道經遠實豈終爲沮
溺之徒也哉方今
天子聖明急賢如渴取銀青公之祖笏如探物於囊中
吾然後知爲待賈而沽者也故不辭書以記之

東白軒記

曹君從善既築所居爲野航之齋外拒紛拏中枵明寂
香爐蒲石几席圖書爭無纖埃亦足以自娛矣又於齋
之東壁闢一軒稍加踈達廣與齋侔深不盈丈高櫺虛
牖清簾朱簾雅爲容光之際若夫城鼓初動鄰雞已鳴
推枕而興正襟危坐仰而視之唯見扶桑蒼蒼啓明睽
睽正吾心未與物接之際神氣湛然乃命之曰東白軒
而請予爲之記予應之曰齋取杜陵錦里之詩軒取坡
仙赤壁之賦也雖然子居是間蓋亦審夫所寓之時以
爲出處之道昔者海田善幻風濤際天匪東方則明月
出之光昧者或不知戒冒利乘險狂踈而前人舟均敗

饒蛟飮之而子之野航方收帆艤棹橫於荒閑寂寞之濱於是所見遠矣方今日觀當天衆星隱耀狐狸魍魎銷跡潛形風虎雲龍翕然際會是宜展濟川之志築太平之基以致

昔於堯舜之上寧得謂枕藉舟中而不知東方之既白乎願趣爾裝解維邁發

寄傲軒記

予友朱君伯仁儒家子也用唐李虛中之術推人之生年月日時而知其貧富貴賤死生壽夭若神聲名籍籍聞於人已久矣性愛菊於其所居之右偏闢地而植之

殆將百本洪武元年秋七月徙捕重屋四楹於菊籬之
前軒窓兩向其中有琴有書筆床茶竈壺觴餅爐整如
也駙馬都尉使王公子敬爲取陶淵明寄傲語大書而
扁之嘗請予爲言其所以名軒之意予總知伯仁之爲
人孝於其親友于其弟與人恭而有禮察其身心之間
無所絲毫驕倨而乃有取於此何耶伯仁曰吾見夫世
降俗下彼汲汲於名與利者曾肩誚笑搖尾乞憐處汗
穢而不荒甘汨沒而忘返孰若吾之傲睨於羣塵之表
亦樂夫天命如陶令者乎雖然記禮者曰傲不可長詩
緝彼交匪傲萬福來求虞舜命舜亦曰簡而無傲且以

舜之明德能化其弟象之傲烝烝乂不格姦而禹猶勉之曰無若丹朱傲則傲德爲戒於千載之上千載之下聞者凜然今子是軒常傳子孫他日儻不知爲矯激之言而祖述所謂其父報仇殺人其子行劫其流之弊可勝道哉伯仁躍然拱曰吾雖不敏請事斯語矣君其爲我記之以貽後嗣俾之朝夕觀省如座右之有銘則亦庶乎其可也於是乎書

雲隱山房記

紫陽山在歙城南五里而近歙爲朱子父母之邦山因人而增重猶孔氏之洙泗也故紫陽爲郡之大姓朱子

所宗焉休寧爲郡屬邑邑西四十里曰首山遡流不二
舍曰豐山首與豐亦嘉山也宜爲大姓之所居余友朱
君伯尚惠州太守權之六世孫世居首山年未志學即
失所怙中值壬辰擾攘其舅氏子輝吳公居豐山因率
母夫人往依焉賴舅氏輔翼教誨見其才也以子妻之
居甥館今十有八年補其藏修之所曰雲隱山房礪志
爲文以記之愚謂居萬山之間而隱於雲高矣北堂宣
親樂於借隱有孟母居子之安無曹大家東征之勞又
見其親之賢矣然雲之在山則悠然日與幽人俱閑及
其出山則霈然爲雨而澤天下有體而又有用也伯尚

奉親檀藥隱於其中如陶弘景之自怡悅此一時也他
日繼惠州之祖武鵬化鵬轉作傳說之霖又一時也迨
其功成名遂望雲思親歸奉養輿效雲天之需宴壽觴
舉而慈顏紅其爲人間之至樂豈有涯也哉愚不勝敬
羨於是乎書

懶齋記

懶齋者海寧邑西瑞溪金氏德基之雅號也德基之尊
公子西總管遺承平享富貴北北海陳元龍莫能過之
結交豪俊殆滿東南德基善述先志愛禮賢士貴義輕
財又尤工於樂府含商吐宮鏘如金石每一篇出人意

稱之以爲有雲石海粟之遺風也。故所居西偏新闢一
齋左右圖書酒皿茶匱枕榻餅壺凡所以娛樂賓客之
具畢陳其間躬與細版故舊談論文章或議古今事理
將迎揖讓竟日靡休徒見其勤未見其懶必其意有所
在也問之則曰吾生七歲失所怙十四效子長之遊吳
橋楚柁淮月燕雲濫祿于大人君子門下者又十七年
道路之逢人物之夥蓋亦倍嘗其險艱而盡知其情爲
矣今始克返吾屠羊之肆吾心豈復欲捐捐勤其四體
而不知休哉余始疑之又熟察之見其於數米量薪而
炊爨者與夫啗糞舐痔媚宦乞墦之所爲者欲來少立

於階墀一是托以所標之齋名而辭謝之然後知斯齋
乃不易造也不然夫豈不知天下之事勤則成懶則廢
乎德基驟然而笑曰子之斯言真得我心之所同然者
請書之座間以爲懶齋記余亦不敢以懶爲辭遂書之

新修湖山樓記

璫溪爲休陽西鄉勝地由溪東涯迢遞入山度二橋曰
長千里山水益舒緩草木益壯茂金氏家焉地之勝於
是爲取其先世模倣錢塘佳處鑿前爲方湖以瀦其沅
諸峰環立皆浸影含輝旁有棟宇翼然而峙者湖山亭
也後因燬而更爲樓則又專覽茲地之勝其他臨觀之

樂皆莫能及之歲在丁酉余等特用公昆弟相禮羅得
與諸生下維斯樓者凡七年矣講誦餘閑風烟澄霽輒
主賓臨軒角巾野服觴詠於湖光山色中舉熙熙然人
知魚鳥之樂而魚鳥未必不知人之樂也余後館寓他
處才二年而丙午復來則瓦甍板腐壁敗窓頽不可登
望者又三年矣而清夢栩栩常落是間今年夏五月十
日公忽詔其子瑜曰此樓不修且益壞於是承命刻期
因舊制而治之不出五日衆工畢功請余爲記余謂然
復於公曰方今兵燹之餘名鄉里第尚爲荒草丘墟而
未復旼懔震凌者何限而公家能遵宵旰之訓父作子

述亦前人後澤所蒙當慎自修而保有之庶乎樓之勝
因人而益顯焉題書于壁以示歎後余之出處亦并載
上託爲不朽云

跋

跋黃伯仁所藏江山萬里圖

予讀南史愛南陽宗少文於江陵立宅閑居無事因結
字衡山歆懷尚平之志有疾還江陵歆曰老疾俱至名
山恐難偏雅澄懷觀道卧以遊之此所遊屐皆圖之於
室今吾宗家伯仁兄出其所待佳畫一幅相與展而觀
之雲烟蒼茫而江山萬里忽在几席間不知爲何人之

筆真老杜所謂尤工遠勢者莫比者歟雖然兄充閭幕
之使方東上會稽度錢塘朝金陵而回又將西臨樊襄
南入閩關比達淮甸馳羽書於四方奔走不暇而予也
窮居古林之下灌園之暇婆娑勃宰小閣清香左圖右
書不知老之將至當是時也澄懷卧遊之趣屬之子乎
屬之我乎伯仁輟然而笑曰屬之子矣子其爲我識之

書馬德稱雙節堂卷後

洪武八年春予來紫陽郡城始識馬生德稱未幾以一
軸文書來示予曰此當代鴻儒瑰士紀述吾家雙節之
堂也願益一言以昭吾考妣之德以慰吾之孝思以示

吾之後人永永無已亟復讀之而知其父休寧監邑可
道公雖亂兵不屈而遇害其母夫人王氏迫於勢豪誓
不辱而縊死之德相因作堂以奉祀而稱曰雙節諸公
既簡爲文殆與宋季趙鼎發事相類將特書於史氏也
確矣然監邑公爲前朝簪纓世冒德化涵濡夙明綱常
之道遭時不幸慷慨殺身所謂得其正而斃焉王夫人
婦人也於顛沛流離之際而之死靡他之念卓然不渝
節義並立凛凛乎尚能使人唏吁興起孝子名堂以昭
著一觀之德皆有關於天倫有補於世教予又奚言乃
擬梁鴻五噫作歌辭以遺之歌曰凛凛雙節莫耶干將

兮噫神物雖化猶有幽光兮噫孝子結構永泰烝嘗兮
噫行有不愾能陟斯堂兮噫齋前豐後百世彌芳兮噫

跋退思軒卷

人誰無過知悔悟而改之則無過然必不思則或昏而
不能改昔魯宗道性剛直人呼爲魚頭公謂其骨鯁故
也爲執政日營一小室畫山水退朝獨坐謂之退思巖
雖妄亦不許人此事

君而過忘補衮職之闕者今施君孟文性亦剛介不耦
於當時屏而閑居又以退思名軒此不得於君而退思
內自訟其咎者諸文士爲發揮詳矣先儒謂爲惡之人

未嘗知有思知有思則善矣雖然論爲學之道則不服
思若不窮理果斷至應事之時而徒爾多思不免如季
文子之反感而有過舉矣施君以爲何如

說

金彥瑾長子名說

洪武己酉歲三月二十有四日戊午日在酉金彥瑾氏
初生于戊午納音屬天上火爲日命宮天蠋卯有火爲
日出之方三月之末遂咳而名之曰文烜俾其客筆而
識之文者何天文日也烜者何易曰日以烜之日生萬
物也文也烜也無不明也無不生也斯父母期待之心

也文烜倘有弟以文炳名之亦本於易之革也客者何
黃其姓榘其名子運其字也

劉子範兄弟字說

劉君子範謂子曰吾兄弟四人伯曰疇字子範仲曰庸
字子中叔曰賢字子齊季曰大賜字子與先人所命也
愚意以爲兄弟分形同氣子爲貫字說爲一可乎辭不
獲乃謂曰四君之字皆當以天推之洪範首言天錫範
疇蓋道之大原出於天天理之當然也子範以之中庸
首言天命之謂性程子釋不偏之謂中不易之謂庸亦
天理之當然也子中以之天性有善而無惡氣稟乃有

賢愚見賢思齊不賢而內自省亦天理之當然也予齊
以之賜與也天之所賜大矣天與人以健順五常之性
率循所與非天理之囑然乎予與以之天下之理一本
萬殊命字之義雖殊本於天理則一也若是可一以貫
之乎子範曰可命之矣遂書其說以與之

頌贈

頌李巡檢築陂

南鄉爲海寧勝處邏舍郵亭與民廬數百區鱗集鰲飛
爲一閭之市平野帶其前泉源清流正經其後涵虛漾
碧沉沉無聲上堰水爲兩陂曰桑樹塢溉田十頃而羸

曰清陂塢所溉三倍其數先時遇歲旱谿既涸矣始議興築不無鹵莽城裂之爲此水及田木盡稿矣往往徒勞卒罕蒙其利今仲章李公來掌筵微問弊於民而知其故乃進里之富人與一二田父而告之曰農畝欲衣食之源苟失水利而不稔則必飢非特無以給公上後租期吾雖欲安女業禁女盜庸可得乎與女約盡三日其代松爲梁柱負石以實之畚土以築之民歡趨之如期而兩陂之塢屹乎中流凡溝渠之堙塞者咸疏鑿之無間冬夏灌注周通里人聚觀而大悅以爲今之居一官能盡所職者常鮮公以明敏練達之才乃有餘力與

民興利爲無窮使數千畝之旱壤化爲上腴而南鄉益
爲海寧勝處矣於是相率爲歌詩以頌公之德焉詩曰
南鄉之里田疇流水木欣欣黍稷穰穰昔有兩陂築
以不時旱旣爲虛我寧無飢李公戾止喻我至理其作
雖勗其堅難圯堰以巨石貫以長松成茲永圖伊誰之
功彼野如楮我廩恒實享茲樂歲伊誰之力兩陂如棠
百世不忘惟公之澤川流俱長

贈吳伯春十道中

亡婦前年遭疾迎吳大醫伯春父來視之乃曰今
無藥之則愈但年許慮不得永耳扣之再三以爲

調攝當得三四年且歷歷言其脉息與沈痼之證如水
鏡之照心肝也亡婦深信之遂急了向平之債今年十
一月程氏女復歸寧而去因戲謂予言雖即死無憾矣
未幾果疾作迎吳大醫又不果來曰不來命也勿復強
迎之他醫坐視其嗒然而逝越五日亡婦弟汪伯會亦
得重病求之醫遺其子道中來授一匕劑即獲起死之
功嗚呼人生脩短固有數生者驗其死而瀕於死者能
生之如賢父子世其家學豈非醫師之良耶臨別誦賦
詩輒效梁伯鸞作五噫歌以爲老懷之感傷兼告人之
未能盡識吳大醫者歌曰余配竟殂兮噫厥弟果甦兮

噫良醫繩盧兮噫孰爲其徒兮噫家學有吳兮噫

文

祭朱學士隆隱先生文

嗚呼先生之聰明卓絕天下之人皆知之大而天人之
道遠而造化之旨精窮闡奧妙析家釐不啻同而是是
不崖異以非非取六經與百氏之書籍悉標題而旁注
使後生小子一讀則了然而無疑是以螢窓雪案俛焉
惟日以孳孳先生於聖賢之學真有功於百世不但表
彰於一時其之未達也則擬隆中之隱以孔明自期及
貢于有司而將達也遽遭奇運之流離然維新之朝雖

三聘而進寵以玉堂之華要而退脩之志終固辭而歸
理乎肯襲之歟肯不立產業如鮑太傅之說不入城府
如龐德翁之爲先生於行藏之義不但爲一時之矜式
真可作百世之宗師彼當世之士勢譙熏天聞此令終
於正寢亦敬慕而歔歔特可共恨者晨星霜木道者殆
盡耕韓領袖晚進時依不肖兄弟以先君托斯文之契
五十餘載故懶鈍之質俱蒙陶冶而扶持還者驅於貧
而病於疾於先生門下跡雖慢而心不違客歲之臘忽
計音之驚聽義當奔哭適丁家禍之披藜今茲之來也
唯梅花初月浦思山悲先生之音容則邈乎其不可見

矣如之何其不苦淚之交願尊魂不昧鑒此芹私

祭子中弟文

嗚呼天不欲吾家呂大耶何吾弟有才而無福也四十
八年手足之親而遽止於斯何禍患之來如是之酷也
吾爲兄不死而哭弟豈非逆境耶弟臨死而不見兄豈
不含冤耶五月初六前村路中兄弟二人執手而別言
各寡而音咽視各疑而淚流又豈知此別與吾弟爲終
古之別耶七月十一日自館中歸見吾弟六月十五日
手書大意以爲被奸猾之誣遭伴侶之滯幾至狼狽今
並清寢爲之悲喜交集又十餘日已親家信歸忽報復

隨虎口中舉家驚惶徙行不能正履食不能下咽惟禱
之神明託之天地或者得伸其屈而洗其昏待女長男
歸遺其策應又未十日而凶聞遽來呼天號地不知汝
屍之存亡也幸藉吾祖宗之靈造物之佑親戚之惠得
遂瘞葬以候機弟與汝次男遂取以歸安厝于門首之
園以成吾弟之初志此猶見天道之稍有存而非人爲
之所能沮害者則吾弟之生榮死哀無媿於先人可謂
美矣但老懷之悲痛而不能已者有三焉自今已往歲
時節序欲兄弟三人團樂歡會如前時固不可得雖欲
千里之外得吾弟數字之書胡可得耶其可傷者一也

比年以來寒族衰微後生凌替幾不見齒于搢紳尚賴
吾弟聰明敏給卓立其間自今已往詩書之脉茫無孰
與我其振起耶姦誦之風寢長孰與我其裁正耶其可
憐者二也女之六男有成有否皆未可知路途遙嶮荷
重孤嫠滿室特哺嗷嗷其可憂者三也吾之父子與機
弟之父子所可協濟女之子者雖當盡心盡力經紀維
持吾弟冥冥之中亦必有以陰相之也嗚呼鴈行風斷
鴈影月寒一奠永訣兩淚如潛尚享

行狀

故徽州路婺源州同知金公行狀

公姓金氏諱觀祖字時用其先漢京兆尹都成侯金欽之苗裔以世遠其緒不可尋至十世祖諱宏圖始居新安休寧縣治之西三十里曰洲陽千有諱詠於公爲六世祖資產甲一鄉至五世祖諱文藻愛所居之東岸小瑞山川秀美遂徙家焉是爲瑞溪金氏高祖諱脩和宋迪功郎嚴州司戶參軍曾太父諱華宋咸淳戊辰進士成忠郎武岡軍新寧縣主簿太父諱應鳳號桐岡宋國學上舍父諱南召字子南元宣政院宣使母同邑隆阜戴氏諱閨宋江東提舉司幹官村之女孫瑞溪之北一里許曰長干林泉尤勝又築甲第而別居之生四男其

仲即公也而公之生實在璫溪自幼性謹厚知讀書不
愛聲伎遊宴稍長首受業于定宇陳先生又受學于婺源
胡存菴先生能爲詩賦氣宇魁岸言論從容一時王
公士夫見者咸愛而敬之而公亦浩有建立功名於當
世之志家人生產作業一不以介於懷至於致君澤民
之道則日講慣而不捨也年甫三十去遊錢塘儒學提
舉白公廷玉以公直饒州路儒學提管韓公鋪深器重
之且曰職雖卑亦仕宦之一徑耳至正壬辰兵燹方起
鄉民相扇爲亂賴公喻之以義亟發貲粟募丁壯助有
司勦紅巾屢俘馘其渠魁以獻于江浙行省祝兵官平

草政事三日八公即以功狀移咨中書省以公爲祁
門縣尉歲乙未署公婺源州判官居無何又獲功陞同
知本州事婺源境接祁陽斬黃寇往來至是城陷而復
者非一故民益困悴公於州之大姓多聯姻姪其諸利
害靡不洞知與知州李利用同僚協濟故能革誅求之
弊盡撫摩之誠翕然稱譽之而時事日益非矣初

聖朝之肇造區夏建寧河武順王姓鄧氏名某歲丁酉
是特王爲樞密判官平定徽州以揔管張思聰戍休寧
知公名仍舉公同知婺源州事公以疾辭遂結草菴于
所居之右源窮谷中自號卧雲居士黃冠野服與樵牧

相爾汝者凡一十七年客至山疏村酒盡醉而罷
惟哦疊山謝先生潛絕句詩評有不勝感慨者矣爲洪
武癸丑十二月初十日不疾而卒生延祐戊午九月初
五日享年五十有六嗟乎世事更十餘年不變使公之
賢才得以展其志取勲名爵祿詎止於此哉晚能遜跡
於寂莫之濱采山釣水惟適之安以善其身保全其孫
子亦可謂豪傑之士矣記縣也羅氏宋顯謨閣直學士
適之六世孫慶元路寧山監場管勾翔鳳之女諱學生
于富嬌而柔淑勤儉婦德女儀皆可爲法與公同年生
先二十二年卒于男一日喻七歲入小學不數月論語

二十篇即能背文贈前賴異不群夏國公余廷心先生
贈以古篆奇重二大字女一適里士戴玘孫男一曰叔
夜方五歲繼室汪氏諱離先十五年卒公捐館之十五
日得辛酉之吉殯于同里積水塘之中隴程氏在外隴
汪氏在內隴既襄事其孤以予於公托同庚之好交從
之久泣而言曰先子平生心事屢歷惟先生知之深願
爲狀其行敬撫拾其槩于右云

後園黃先生存集卷之四

嚮明齋詩文附卷

翁諱維天字景高後與公之嗣孫也號嚮明齋志
善於字學余愛其筆法純淨取授墨迹乃得詩文
故本一紙前後殘缺世所存者此耳茲因重刊後
圖公作集宋為附卷其尚係錄錄敬將諸梓若夫
歷後之實學上宜敬公之為著筆許
矣茲故得以累云族弟志松謹識

題詹氏所藏山水

五城總祥

近山青蒼遠山碧陰雲杳靄晴雲白芳郊自有綠水紆
穹林本與紅鹿隔招提一似逵公祠安居不異楊雄宅
仙翁釋子足幽懷竹院相逢話疇昔川原靉靄雲模糊
欲從何處覓行跡新安深介萬山中紫陽虛谷聲輝并
松蘿天祿辭岩堯雲峰高映秋崖石削出芙蓉幾萬疊

飛懸瀑布數千尺
天台廬阜兩悠然
採藥觀棋總仙客
臨圖撫景興遄飛
掀髯一嘯天地窄

題村景示姪

文筆峰高秀入雲
清漪之水深渾渾
長橋古渡岸南北
喬木陰森溪上村
書聲比屋無俗事
文章傳世稱儒門
祇今學業不復振
光陰拋擲如流奔
勗哉後輩宜自勉
古訓流風猶有存

次程叔潤題所居村景韻

雲溪烟樹鬱蒼蒼
中有高人肯搆堂
松月夜窓生綺繡
竹風午檻響琳琅
書藏萬聖勤開卷
筆掃千軍醉倚床

磨址多賢文德盛蛟湖深衍慶源長

紫茄圖

曾聞蔡搏軒前置 特詔旌褒有令名
今向青門圖裡 看幾多風致可人情

葉原翁孤舟漁隱卷

君不見松蘿山嵯峨秀出天地間
又不見孤舟嶺盤環 宛似神仙境
葉翁遂以漁隱名幽棲結脩屋
數楹虛窓晃朗山月皎高檐縹緲
川雲橫桃花流水春色好白蘋紅
蓼秋光瀨懶披蓑笠釣滄浪獨抱
群經樂精討蘭蓀桂子森目前來
衣五彩飛翩翩晨昏甘旨娛色養
坐

景福延高年熊龍應兆心無慕羊裘不著耽儒素功名
富貴如毫毛托此嘉名永無斁

餞縣尹劉公

劉侯卓犖真絕奇蚤膺鸞薦朝京師承恩已展四方
志勤勞徧夜無稍違一朝領職居蓮幕秋月始始照民
瘼簿書案牘不憚煩琴堂贊畫多雄畧是非果斷明如
神三年獄訟無寃民絃歌百里風化美桑麻桃李皆酣
春昔嘗解組登長道父老憂心慙如擣叩頭天闕訴
能幸遂借留還職早今茲報政上瑤京老耄送別
為情願公指日巡徽地再施霖雨甦蒼生

羅侯思養堂卷

百年父母早違離春雨秋霜倍感悲得祿莫能供蘋蘩
升堂無復見容儀寸忱端與仲淹契一念還同子路思
藉藉嘉名昭孝行公餘追嘆蓼莪詩

用吳純中韻呈任木立

每羨先生德潤身風流儒雅邁前人詞源直瀉銀河水
學海深涵天地春盤谷隱居原有道金鑾召對更無
倫冰壺秋月多清興委翅樊籠不得親

清明掃墓

拜掃先塋日乍長無邊景物競時光龍蟠虎踞鍾靈秀

水繞山環抱吉祥盃酒未傾心百折麻衣欲濕淚未乾
天恩罔極知難報祭祀烝嘗敢自忘

暮春

朝來緩步小橋東萬紫千紅擁地蓬蜂蝶已虛芳徑外
燕鶯還愛綠陰中杜鵑叫落家家月柳絮飄殘處處風
從此詩懷清興少且將盃酒惜春融

清明日族伯叔輩約過西湧諸處拜墓

明霽風輕送曉寒一門長幼共登山溯流豈憚尋源遠
酌祖寧辭涉嶺難昔日狐狸今走遁舊時龍虎復盤桓
小觴告奠陰靈鑒永庇孫枝百世安

祭十三朝議世祖文

仰惟吾祖瑤玉湖塘名香竹帛德若圭璋一朝美績千
載流芳豈料鼠輩竊葬墓傍同門憂忿舉族悲傷一訟
得理三啓所藏惟茲損逆俱罹禍殃某等載感靈寢少
妥幽陽特擇吉日敬設豆觴上祈寧遠下冀禎祥子孫
蕃衍宗族京邑尊靈如在顯鑒烝嘗

憶橫山先生

半年不見程夫子
擬卜相逢在市廛
筆底文章流峽水
胸中造化本先天
一宵清論塵絲脫
十載貧交道誼堅
後夜相思何處是
娟娟明月柳塘邊

別吳廣文

延陵高士溫而良，
丰姿凜凜如秋霜。
芹宮胄監久陶鑄，
才優學博難韞藏。
一朝發軔青雲路，
承恩攝教官休陽。
休陽休陽邑庠多俊傑，
相逢一笑生輝光。
嚴勤篤志勵清苦，
日將月就無荒唐。
由茲歲貢膺顯擢，
仁風化雨交飛揚。
每懷親舍隔千里，
晨昏甘旨不得將。
憂心惻惻但長歎，
息白雲天際懸思望。
計音倏忽來耳側，
呼天踏地摧肝腸。
束書捲卷出泮水，
辭官解印還故鄉。
士友分携情縷繆，
一尊酌罷登車航。
人生胥會固有定，
相思遂同江水長。

爛柯圖

遠代樵蘇上翠微，偶逢逸老坐園基。
因觀形勢多機變，不覺光陰屢轉移。
聞却斧柯方自悟，歸來塵事總堪悲。
何時遇得龍眠手，畫作新圖更絕奇。

橫江書舫卷

橫江書舫最清幽，中有英才德業優。
門逕往來無俗客，沙堤翔集有輕鷗。
一帆風月資吟咏，萬卷詩書自進脩。
異日濟川作舟楫，好攄忠赤闢嘉猷。

餞程汝器往襄陽省親

一天梅雨正淋漓，不憚驅馳漢水湄。
山館葦雞朝起早，

江船對月夜眠遲
三千里外供甘旨
十五年來話別離
好待嚴親賦歸去
黃花采采滿東籬

劉生扇面

素紵皎潔如霜雪
一入掌握涼風發
龍眠老手寫新圖
泛泛輕舟弄明月

餞判簿羅族

羅族家康山
累代稱望族
早歲經綸材
來作休寧牧
蒞政秋月明
號令晨霜肅
潛心究簿書
勞形事案牘
贊佐善資謀
判決如神速
僚友託賢能
吏民咸悅服
百里謫絃歌
三年空訟獄
夜雨長桑麻
春風生草木
今當報政

時遠觀黃金屋

大明龍中天四海賓家國長長年
井垣雨露深宵不
留情駕輕而就熟兒童竹馬迎父老光極日好
慈惠心暫淹駟驥足九載考幽明萬里攀黃鶴永輔
光輝若榮享千鍾祿

寫梅

羅浮仙子倚南枝不著鉛華也自前鉄石心腸終不改
任渠飛雪撲香肌

爲邑侯作重修東山汪公祠祝版文

惟神德被六州名香千古褒謚累朝廟食茲土烜赫威

靈昭于海宇聽此下民夙蒙唐德
天命來牧休寧賴神默祐訟問咸平東山祠宇頽然若
傾前捐已俸率衆重修天監美矣不日落成神靈既安
民物咸寧一觴稱賀俯鑑厥誠俾予庶氓爵祿永膺

廟閣

林林總總挹系秋澄江萬頃翠光浮齒人擬是玄真子
吳興波理釣舟

奉餞晉大尹秋滿朝京

暫別臨邛上京師正值

恩誼有特四海魚龍咸變節萬方民物樂維熙金門

待漏通青漢玉笋齊班拜赤墀
最定應登顯仕好施惠澤慰民思

錢別吳彥和還普定後

憶昔征南正妙年歸來雙鬢覺蒼然
升堂喜見慈親健繞膝驚看令子賢
爰日方宜供菹水秋風又復買江船
人生符會皆天定忠孝由來寔兩全

上郡守張從道公

馬翩翩下海寧枯荻稿木悉回生
皎如秋鏡明蟾涼湛於寒潭止水清
慈母每憂嬰老病孤身未得竭忠誠
歷階再拜陳詩句願盡區區人于情

贈積中之柳州興寧縣任

溪頭送別正芳春風翻高樓楚塞雲光見魚龍初得浪
何妨鴻鴈暫離群待身已見冰霜潔蒞政還須玉石分
際際皇天開泰運好抒忠赤樹華勛

許由圖

堯舜吾君堯舜民惟公隱遁獨離倫棄瓢洗耳欲何用
致使莊生侮聖人

錢晉大尹之蔚州

一從捧檄下休寧紀肅綱明政化行百里回生多惠澤
九重奏最自嘉名正看紫誥來 楓陛又沐 皇恩守

蔚城碩我細民何所恃攀轅卧轍不勝情

餞劉幕賓之思城州

清風蓮幕久敷揚下邑疲民賴撫匡一片忠心懸夜月
七年號令凜秋霜未看報政朝卅闕先拜除書佐大
方老弱相看心欲苦借留無計回君王

陳侯玉清書屋卷

勝地臨仙境希賢志獨奇清幽楊丁宅瀟灑董生帷辟
殺非無術穿楊已見知公餘猶對書不怠讀書時

晉大尹瞻雲思親卷

東岳溶溶起白雲臨風悵望倍思親九天雨露垂恩重

千里家山入夢頻。負米食藜寧復得。弄雛取水莫前陳。
永言錫類應無極。到處行沾德化新。

贈別劉舍昆士

携書過我正青春。夜雨燈窓請業勤。數載漸磨情易合。
一朝送別袂難分。須臾送矣宮商調。鴻鴈高飛南北雲。
珍重此行加勉勵。會看登用樹華勛。

寄瀛島

羅山千載共栖依。會盡曾無半日違。自擬魚龍同變化。
那堪鴻鴈兩分離。月明池館鶻聲急。春盡園林蝶侶稀。
料得思思風雨夜。定思有語念寒微。

贊黃村志清知州像

公姓黃名滄字志清世居邑南之黃邨少由顯宮入
大學以儒業初授鄆州知州後改授濮州終於間其
德政之著於時者顯顯然也景泰五年始見公之後
於是傳手而爲之贊

稟受乎天地之清依輔乎日月之明以文章而登顯仕
光前烈而垂鴻名畏服人以德政處置事以公平可謂
仁民而愛物是宜安富而尊榮也耶

咏梅次韻

寄吳子春

一枝瀟灑碧天涯歲歲衝寒先著花歷歷雪霜心不改

還隨清夢到詩家

姑賦僊人自絕竒心如鐵石玉爲肌幽懷不向東風訴
嚴晏江空有所思

次韻後士寧燕簡伯善

自歎書齋接孟隣塵緣汨汨莫能禁清宵永日無良晤
流水高山少賞音閑倚危樓延佇久長懷尺地別離深
人生胥會何如此幾度詩成祇自吟

高山高隱幾經秋力學潛心邁仲由雨過北窓應爽塏
月明西牖更清幽滿懷吟興生春草盡日書聲出竹洲
寄我新詩多俊逸切磋還肯往來不

寫玉球花

悞落揚州幾歲寒
琳宮玉宇護仙壇
時人相見不相識
欲作棠梨一樣看

江湖勝覽卷

龔君來自大江西
琴劍詩囊取次攜
眼底縱觀窮宇宙
胸中豪氣吐虹霓
吳山楚水開圖畫
燕月秦雲入品題
愧我夙懷湖海志
祇今林下尚幽棲

翩然華旆過松蘿
勝覽襟期風月多
湖上放懷思賀鑑
江頭吊古憶曹娥
長閑老我夢初覺
經濟嘉君志不磨
何日排雲叫閭闔
定應身沐鳳池波

寫菊

桂花開盡芙蓉發競逞容華當秋月老圃踈籬未寂寥
一種幽香清到骨管城昨夜飛玄霜英姿不比丹雌黃
欲識淵明偕隱逸也須茂叔爲平章

示子生甫

爾不見古人映雪夜讀書今人白日多閑居又不見古
人寸陰猶可惜今人長年任虛擲古人今人趨不同行
思坐念心忡忡生知安行聖者事競辰警世開群蒙天
光雲影靜沉沉援筆題詩感寸心迷途未遠早追悔願
爾學古莫學今

三友圖

君不見徂徠山蚪蚪
鵲更風寒又不見淇水
澳鳳尾
與差森綠玉誰知東川
官舍中英姿雜遝襟裝
一自
細傳廣平賦已有調和
鼎鵲功古人体物已得
參今我
味怜清癯伶清癯德不
孤爲君題作三友圖

鵲鵲圖

彼原上鵲行搖飛且鳴
詩人善體物取譬急難
情君
家好兄弟友愛多嘉名
時能有圖畫可當座右
銘

次韻復程彥章

學流芳豈有源客志一
見歸塵綠襟期酒斂寬
相

寒風流冠市廬華野躬耕膺幣聘草廬紅顏起龍眠
莫言嘉遁山林下祇恐徵書萬里傳

選集建才之京

天授奇才選世賢乾坤至理獨精專承恩曾列鵷班內
挾策重趨鳳閣前千里關山馳驛馬一帆風月送江
船行船殘渚朝回後依舊松蘿樂數年

次金彥忠寄韻

璫漢高隱樂三餘架插牙籤萬卷書新桂飄香發謝砌
綠筠挺秀護陶居光風霽月長隨我肥馬輕裘不問渠
傲睨乾坤心浩蕩從他塵世事紛如

錢趙廣文

傳家道學有淵源十載論文膠膝堅寶匣再開三尺水
錦衣還覲

九重天雲霄恩重轉飛翻驛路風清爽去轡回首相思
何處是東山新月正娟娟

方山樓卷

河南道學鳴千載更有聞孫濟世才滿架詩書娛歲月
數間樓館絕塵埃雲山烟樹俱環遶詩客仙翁數往來
此地人間寧有幾何時容我共徘徊

齋明齋附卷終

跋後圃先生存集後

族翁後圃先生當元季隱居不仕讀書自娛豐
腴聲業讓於諸弟而自屏居於後圃蓋藉曰深
遠遊益衆名則曰起入

國朝屢聘不就也自有成造神見於咏歌每篇章
一出人爭傳誦之然自未嘗留稿是故不得而
彙焉先生既歿門人戴先生與其子則急公求
諸鄉士夫家僅撫百之一二今曰存集補諸梓
矣然而羅煨殘缺於足稿之存者蓋鮮也嗚呼

生之文匪徒藝之爲工爲實英華豈無幾於道
耶何湮於今而使世莫知之者選重有傷焉一
日族老僉謂曰先生之集傳於昔而晦於今吾
子孫之責也幸而得覓其遺文四卷洎其胤景
高翁嚮明集一冊總爲一帙欲梓以傳遙躍然
曰述先啓後吾素志也敢衰厥事以成庶幾彰
先世之幽光而吾人亦以追不明不仁之譴云
皆

嘉靖歲在庚戌端陽日國學生族孫適百拜謹啟

識重刊後圃存集刻後

族太甫後圃翁詩文四卷原粹于洪武癸亥尋經回祿迨今百有餘歲未有克復之者嘉靖庚戌春族裔孫蒙琬過珣運新輩倡欲翻刻請正於族于是衆義染成踰月而工畢復以其孫景高公詩文若干篇附于後此猶見斯文之有嗣而吾黃氏之詩禮

替也則夫規、於末利是圖是各修然自
富易世無紀者視後圃翁二百年之斯文
景高公之繩其祖武今日之烈爲何如所
謂黃金滿籬不如教子一經是也刻完敢
識此以告諸後人使知斯文之可貴而末
利不足尚以詩書淑其子孫豈不偉歟時
夏初吉日杲頤首謹識